



**YOLANDA AGUIAR CASTRO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na **sesión ordinaria do 1 de xuño de 2023**, adoptou o seguinte acordo:

**28.- OUTORGAMENTO DE “AXUDAS MUNICIPAIS A FAMILIAS CON FILLOS E FILLAS EN ENSINO OBRIGATORIO” TRAS EMENDA DE SOLICITUDES. EXPTE. 26298/332.**

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día, de conformidade coa xustificación que consta no expediente aportada polo servizo correspondente.

Visto o informe de fiscalización do 30/05/2023, dáse conta do informe-proposta de data 30/05/2023, asindo pola xefa do Servizo de Educación, o concelleiro-delegado de Área e polo concelleiro-delegado de Orzamentos e Facenda, que di o seguinte:

1.- A Xunta de Goberno Local, na sesión ordinaria do 24 de novembro de 2022 adoptou os seguintes acordos:

- Aprobar o gasto por importe total de 5.200.000,00 (cinco millóns douscentos mil) euros, que se imputarán con cargo á aplicación orzamentaria 3260.480.0002 “Plan extr. axudas familias fillos escolarizados” dos orzamentos xerais do Concello de Vigo do exercicio orzamentario do ano 2022.

- Aprobar a Convocatoria, o Extracto da mesma e as Bases Reguladoras para a concesión de axudas municipais a familias con fillos e fillas en ensino obrigatorio, que se achegan no expediente.

- Publicar, unha vez aprobadas, a Convocatoria e as Bases Reguladoras para a concesión de axudas municipais a familias con fillos e fillas en ensino obrigatorio no BOPPO, no portal de transparencia e na páxina web do Concello de Vigo ([www.vigo.org](http://www.vigo.org)), ademais a convocatoria na Base de Datos Nacional de Subvencións (BDNS).

2.- As referidas bases foron publicadas no Boletín Oficial da Provincia de Pontevedra (BOPPO) núm. 228, de 29 de novembro de 2022 e o e o extracto da convocatoria remitido pola BDNS no BOPPO núm. 231, do 2 de decembro de 2022, así como na páxina web do Concello de Vigo ([www.vigo.org](http://www.vigo.org)). Conforme á base décima o prazo de presentación de solicitudes foi de dous meses contados a partir do día seguinte á data de publicación do dito extracto da convocatoria, finalizando o prazo o 02/02/2023, no que resultou a presentación de 19.117 solicitudes.

3.- A base segunda das reguladoras das “Axudas Municipais a familias con fillos e fillas en ensino obrigatorio” establece que a concesión destas axudas realizarase en réxime de concorrencia competitiva sen establecer comparación entre as solicitudes e sen fixar unha orde de prelación entre as solicitudes presentadas que reúnan os requisitos establecidos nestas bases.



Copia do documento - Concello de Vigo	Data impresión: 15/05/2024 21:23	Páxina 1 de 4
SUBVENCIONS	CSV: AFAB43-EA3A86-AB35B3-ABQFH5-H99NJA-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

4.- A contía das axudas será de 205,00 (douscentos cinco) euros por cada fillo/a escolarizado/a que reúna os requisitos establecidos que se imputarán con cargo á aplicación orzamentaria 3260.480.0002 “Plan extr. axudas familias fillos escolarizados”, dotada con 5.200.000,00 euros.

5.- A Xunta de Goberno Local, na sesión do 21 de abril de 2023, adoptou o seguinte acordo:

**“PRIMEIRO.- Conceder aos/as solicitantes que se relacionan no Anexo 1 deste acordo as “axudas municipais a familias con fillos e fillas en ensino obrigatorio” coa asignación económica de 205 euros por cada fillo/filla matriculado/a nun centro público ou privado concertado en Educación Primaria, Educación Secundaria Obrigatoria ou Educación Especial situado no termo municipal de Vigo, por importe total de 4.254.980,00 euros con cargo á aplicación orzamentaria 3260.480.0002 “Plan extr. axudas familias fillos escolarizados”**

**SEGUNDO.- Requirir aos/ás solicitantes que se relacionan no Anexo 2 deste acordo para que no prazo de 10 días hábiles, a contar dende a publicación deste acordo, emenden a súa solicitude ou completen a documentación preceptiva, coa advertencia de que de non facelo así, se lle terá por desistido da súa petición, logo da resolución que deberá ser ditada nos termos do artigo 21 da Lei 39/2015, do 1 de outubro, de procedemento administrativo común das administracións públicas (LPACAP).**

**TERCEIRO.- Dispoñer a publicación da relación de axudas concedidas (Anexo 1) e a relación de solicitudes que procede que sexan emendadas (Anexo 2) na páxina web do Concello de Vigo [www.vigo.org](http://www.vigo.org), no portal de transparencia e no Taboleiro de Editos, surtindo esta publicación os efectos da notificación nos termos do disposto no artigo 45.1.b) da LPACAP.”**

6.- No Anexo 1 que contén o listado de axudas concedidas detectáronse dous erros dos que cómpre dar conta á Xunta de Goberno Local: documento 220316773 procede unha axuda de 205 € en lugar de 410 € e non se pagou a solicitude doc 230013739 por canto a mesma está duplicada. En consecuencia procede corrixir o importe total das axudas concedidas que ascende a **4.254.365,00 euros**.

7.- Rematado o prazo de subsanación (do 25 abril ao 9 de maio) procedeuse a verificar as solicitudes pendentes. Nesta fase do procedemento revisáronse 2.130 solicitudes resultando:

- 1.681 solicitudes foron emendadas polos interesados que completaron correctamente os datos das súas solicitudes e/ou achegaron a documentación acreditativa do cumprimento dos requisitos da convocatoria polo que procede a concesión da axuda (Anexo 3).
- 449 solicitudes non acreditan o cumprimento de algún requisito da convocatoria ou non teñen achegada a documentación esixida polo que resultan denegadas (Anexo 4).

Cómpre sinalar que o número de solicitudes revisadas (2.130) é superior ao que se relaciona no Anexo 2 (Listado de solicitudes para subsanar), por canto algúns interesados non completaran axeitadamente o proceso de rexistro da súa solicitude, pero si cubriran o formulario oficial habilitado para solicitar estas axudas dentro do prazo (3-12-2022 ao 2-2-2023); por outra parte, outros interesados presentaran por erro, dentro do prazo indicado, o modelo específico para solicitar as axudas que se tramitan dende a Área de Benestar Social (AMES) polo que non se contabilizaran no primeiro momento ao estaren noutro servizo municipal. Nestes casos, as solicitudes que foron emendadas no prazo concedido ao efecto, foron revisadas propoñéndose a concesión de todas as que cumpren os requisitos.

8.- En data 30 de maio 2023 reuniuse a Comisión de Seguimento referida na base décimo sexta. Nesta reunión deuse conta á Comisión do proceso de emenda das solicitudes conforme a base décimo primeira, e do resultado da verificación das 2.130 solicitudes revisadas propoñendo a Comisión que se eleve á Xunta de Goberno Local unha nova proposta de concesión das axudas das



Copia do documento - Concello de Vigo	Data impresión: 15/05/2024 21:23	Páxina 2 de 4
SUBVENCIONS	CSV: AFAB43-EA3A86-AB35B3-ABQFH5-H99NJA-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

solicitudes nas que concorren os requisitos requiridos e que foron subsanadas no período concedido ao efecto (Anexo 3), por importe de 454.690,00 euros, e de denegación das solicitudes que non xustificaron o cumprimento dos requisitos esixidos nas bases ou non achegaron a documentación requirida. (Anexo 4).

**9.-** Na publicación das axudas aplícase o disposto no artigo 7.5 b) do Real Decreto 130/2019, de 8 de marzo, polo que se regula a Base de Datos Nacional de Subvencións e a publicidade das subvencións e demais axudas públicas, que establece un réxime específico que asiste ás persoas físicas que se atopen nunha situación de protección especial, dispoñendo que non se publicarán as subvencións ou axudas públicas concedidas a persoas físicas cando *“a persoa física se atope nunha situación de protección especial que poida verse agravada coa cesión ou publicación dos seus datos persoais, en particular, cando sexa vítima de violencia de xénero ou de outras formas de violencia contra a muller”*.

A presente proposta remitirase para informe preceptivo da Intervención Xeral Municipal, con carácter previo á adopción do acordo pola Xunta de Goberno Local.

O órgano competente para a adopción do presente acordo é a Xunta de Goberno Local de conformidade co artigo 127.1.g) da Lei 7/1985, de 2 de abril, reguladora das bases do réxime local.

Tendo en conta as Bases Reguladoras para a concesión de axudas municipais a familias con fillos e fillas en ensino obrigatorio propónse á Xunta de Goberno Local o seguinte ACORDO:

**PRIMEIRO.-** Corrixir os dous erros detectados no Anexo 1 que contén o listado de axudas concedidas: documento 220316773 procede unha axuda de 205 € en lugar de 410 € e documento 230013739 non procede esta axuda por canto a mesma está duplicada. En consecuencia cómpre corrixir o importe total das axudas concedidas pola Xunta de Goberno Local na sesión do 21 de abril de 2023 que ascende a **4.254.365,00 euros**.

**SEGUNDO.- Conceder** aos/as solicitantes que se relacionan no Anexo 3 deste acordo que emendaron en prazo a súa solicitude para as “axudas municipais a familias con fillos e fillas en ensino obrigatorio” coa asignación económica de 205 euros por cada fillo/filla matriculado/a nun centro público ou privado concertado en Educación Primaria, Educación Secundaria Obrigatoria ou Educación Especial situado no termo municipal de Vigo, por importe total de **454.690,00 euros** con cargo á aplicación orzamentaria 3260.480.0002 “Plan extr. axudas familias fillos escolarizados” .

**TERCEIRO.- Denegar** as solicitudes que non acreditan o cumprimento de algún requisito da convocatoria ou non teñen achegada a documentación esixida (Anexo 4).

**CUARTO.-** Dispoñer a publicación da relación de axudas concedidas tras subsanación (Anexo 3) e a relación de solicitudes denegadas ao non teren sido subsanadas en prazo (Anexo 4) na páxina web do Concello de Vigo [www.vigo.org](http://www.vigo.org), no portal de transparencia e no Taboleiro de Editos.

Contra o presente acordo, que esgota a vía administrativa, cabe a interposición de recurso de reposición ante o órgano que o dita no prazo dun mes ou recurso contencioso-administrativo ante os Xulgados do Contencioso-Administrativo de Vigo no prazo de dous meses, ámbolos dous prazos, contados a partir do día seguinte á publicación do acordo, de conformidade cos art. 123 e 124 da Lei 39/2015, de LPAC e 8.1 e 46.1 da Lei 29/98, RXCA. Porén, interposto o recurso de



Copia do documento - Concello de Vigo

Data impresión: 15/05/2024 21:23

Páxina 3 de 4

SUBVENCIONS

CSV: AFAB43-EA3A86-AB35B3-ABQFH5-H99NJA-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

reposición non caberá interpoñer recurso contencioso-administrativo ata que sexa resolto expresamente o primeiro ou se produza a súa desestimación presunta polo transcurso do prazo máximo dun mes establecido para ditar e notificar a resolución.

**ACORDO**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.  
O ALCALDE,  
Abel Caballero Álvarez.



Copia do documento - Concello de Vigo	Data impresión: 15/05/2024 21:23	Páxina 4 de 4
SUBVENCIONS	CSV: AFAB43-EA3A86-AB35B3-ABQFH5-H99NJA-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		